

PIO SEXTO

PONTIFICI OPTIMO MAXIMO

AD SUPREMAM

DIVI PETRI CATHEDRAM

E V E C T O

NICOLAUS DE JULIIS

EXULTANTIS GAUDIO ANIMI

ARGUMENTUM

D. D. D.



ROMÆ MDCCCLXXV.

EXCEDEBAT GENEROSUS SALOMONIUS

SUPERIORUM FACULTATE.

SS. DOMINI NOSTRI

PII SEXTI

PONTIFICIS MAXIMI

NOMEN, ET OMEN

Tytirus, & Formosus Pastores

AMŒBEO CARMINÉ CONCELEBRANT.

ECLOGA.

Pocca.

Est prope Romulei latices, & Tibridis undas
Hortus odoratis semper viridissimus herbis,
Constitus arboribus, dominantis regia Floræ;
Areolæ hinc, atque hinc vernant gemmantibus herbis,
Totque fovet gremio flores, quot littora conchas;
Non alio florum discrimine ridet Agellus;
Quam picta innumeris Cythereja concha lapillis.
Hic labyrintheo serpens vaga lymphula flexu,
Conciliat faciles crepitanti munere somnos.
Tytirus hic pulchras carpens modo pollice calthas;
Et modò vernantes, grâtissima; munera tymbras
Purpureas inter violas, interque amarantos;
Forte quiescebat, cura relevatus ab omni.
Lassus erat: lassus subrepit somnus ocellis,

Dum virgulta simæ tondebant dente Capellæ ;
 Cum subito insolitis resonat clamoribus Æther ;
 Et quæ sulphureo crepitant tormenta sub igne ,
 Igne laceffita horrendum dant æra fragorem .
 Excutitur somno ; nec imagine lusus inani
 Obstupet , atque novi quid jam evenisset in Urbe ,
 Ignorat penitus ; magnaue cupidine pectus
 Æstuat , ut noscat , quæ sint nova gaudia : quando
 En Pastor Formosus adest ; & talia fatur .

Form. Tytire cur solus sterili hac spatiaris arena ?
 Et tua nobiscum non confers gaudia ? quando
 Omnis io Populus : plaudit quoque ab Æthere Phebus
 Nunc calamos inflare decet ; nunc dicere carmen
 Dulcius ; ipse Deus quando hæc bona gaudia nobis
 Contulit ? Ut veniunt hilares ad pascua tauri
 Conspicis ? ut que leves subsultant æquore damæ
 Unus iners , mæstusque jaces taciturnus in umbra .

Tyt. Quæ nova gaudendi surrexit causa repente ,
 Pande precor , Formose , feres pro munere grates .

For. Accipe , quandoquidem tua jussa facessere dignum est.
 Luna quater toti lumen subtraxerat Orbi ;
 Et quater optata jam luce repleverat Orbem ,
 Jamque resumebat quinto nova cornua motu .
 Urbs fidei sedes , legum , morumque Magistra ,
 Mæsta silens viduata suo jam Præsule ; Numen
 Et prece continua , lacrimisque precatur obortis
 Extemplò si forte velit concedere Mæstæ

Unde

Unde novo Viduam decoret citò Præsule sponfam .
 Audiit Omuipotens ; Cælique ex parte sinistra
 Ter lævum intonuit ; fractisque in nubibus , Iris
 Adfuit : inde polo tenues dilapsa per auras
 Alituum Regina potens ; non fulmina portans ,
 Palladiæ sed dona Deæ ; viridantis olivæ
 Ramum : non defecturæ bona fœdera pacis ;
 Labitur ; & Præsul , qui sit de stemmate monstrat .
 Ergo continuò selectum ex omnibus unum ,
 Te , poplite inflexo , Pastorum Maxime , adorant
 Purpurei Patres , electum nomine dicunt .
 Plaudit io Populus ; sapiens plauditque Senatus ,
 Et sacrum de more canunt Pæana Puellæ :
 Hinc festiva cavis resonant tinnitibus Æra .
 Et quæ sulphureas eieciunt Æthere flammæ
 Tormenta ; accensisque fugant funalia noctem
 Luminibus ; festisque sonat concentibus Æther .
 Attonitas hædere boves ; hædere capellas
 Hisce oculis egomet vidi ; nec pascier herbis .
Tyt. Sed tamen hic Pastor , qui sit , da denique nobis .
Form. Iste PII nunc Nomen habet ; verum antea dictus
 ANGELUS ; unde tamen tali sit nomine dictus
 Accipe ; namque decet præclari nominis Omen
 Edidicisse sui ; & meritas cognoscere causas .
 Est Garampeo pene cõtermina colli
 Urbs , olei , cererisque ferax ; uberior uvis ;
 Quam vitreis Isapus aquis diverberat ; & quam

Fonte cadens parvo ; modicoque impulsus ab imbre
 Punicea semper Rubicon allabitur unda :
 Heroum generosa parens ; quos educat Orbi
 Alma parens , multum belloque , Foroque potentes
 Quam modo Cæsenam , Senam dixere Priores .
 Hæc dedit infanti prima incunabula nato ,
 Sugebat quando distentas lacte papillas ;
 Implebatque suis querulis vagitibus auras .
 Illum lustrales tunc cum baptismatis undæ
 Abluerent ; fama est , cælorum culmine lapsos
 Aligeros fovisse sinu ; moresque dedisse
 Angelicos ; nomenque suum ; sic inde vocatus
 ANGELUS ; & tanti mensuram nominis implens .
 Angelico studuit vitam componere more
Tyt. Quod tamen Aligeri dederunt pro munere nomen .
 Cur in diversum mutavit postea nomen ?
Form. Jam nitidum vitæ dubios Ver ibat in Annos ,
 Et primo malas signabat flore juvenus ;
 Cum subito puerum Pietas suscepit alendum
 Atque suos docuisse studet Dux Æmula Recti
 Angelicum juvenem mores : sub moribus ætas
 Grandior apparet ; radiatque modesta voluptas
 Frontis ; & Angelici majestas grata pudoris .
 Egressum foribus non dedignatur Euntem
 Ponè sequi ; & dubios juvenis componere gressus
 Tres illi agglomerat Socias ; quas Ætere ab alto
 Arcessit Mater ; laterique adjungit Euntis .

Pri-

(VII)

Prima oculos velata suos*, signumque salutis
Dextra tenet; lævaque manu demonstrat olympum.
Veri prima basis; fundamentumque salutis.
Altera, quæ medios hominum se miscet in actus,
Conscia præteriti, & fortis præsaga futuræ.
Alma fides illi; huic solers Prudentia, nomen.
Jungitur his niveum ostentans frontis honorem,
Ora gravis; cultuque decens; blandeque rigenti
Fronte, metum facili permiscens casta pudori.
Religio hæc jam nomen habet, Numenque Supremum
Exerit insculptum radianti lumine fronte.
Fidere Prima Deo juvenem docet: Altera centum
Prædita luminibus fortem objectare periclis
Constantemque animum dictat; non cedere rebus
Ambiguus; Vulgi nec despexisse furores;
Nec metuisse nimis, medioque incedere calle.
Tertia non molli vitam traducere luxu;
Nec patitur tempus fulvo pretiosus auro,
Lusibus; aut vanis unquam trivisse loquelis;
Edocet, ut flexo Supremum poplite Numen,
Supplicis os, animumqun gerens jam pronus adoret.
His ducibus, fausti quid non sperare licebat!
Jam Pietas, jam sancta Fides; jam nescia fuci
Religio; & primis sapiens Prudentia lustris
Romani sacrant Juveni primordia Regni
Fallor? An extemplo triplici diademate frontem
Cingit? Et electo concordi nomine donant

Æternus Genitor , Genitus , Concorſque duorum
 Spiritus , Ætherei quo poſſit claudere Regni
 Atque aperire fores ; animasque immittere Cælo ?
 Non equidem fallor : Petri ſed ſede potitus .
 Ipſe memor Matris , Matris de nomine dici
 Imperat ; inde PII venerabile nomen adeptus
 Orbe PIUS toto vocitatur ab ordine SEXTUS .

Tyt. Verum age, quid patrio depicta in ſtemmate ſignant
 Symbola : quid Flos , quid ventus , quid lilia dicunt ;
 Quidve avium Regina biceps ; diademate utrumque
 Cinſta caput : numerata novem quid ſidera ſignant ?
 Pande precor , Formoſe , tuiſque ediſſere dictis .

Form. Floſculus in medio conſurgit ſtemmate Vernus ;
 Cui lenè aſpirant auræ , Zephirique tepentes
 Jucundum Floræ ; & non aſpernabile donum .
 Fronte duplex inſculpta manet Jovis armiger Ales ;
 At dextrum tenet una latus , ſed calce ſiniſtrum
 Altera ; & extenſas habet utraque in aere pennas ;
 Atque pedes laxos ; ambarum regia frontem
 Serta colunt ; auri rutilo compacta metallo :
 Quattuor in toto floreſcunt lilia campo ;
 Terque tria enumerat lucentia ſidera Stemma .

Tyt. Aſt ego , quæ Formoſe refers modo ſymbola vidi :
 Sed quid portendunt , ignoro : pande roganti .

Form. Floſculus in medio conſurgens ſtemmate odor ,
 Cui blande arident auræ , Zephirique faventes
 Quid quid id eſt ; geminum de culmine caulis

Ex-

Explicat ille caput ; hæcque effundit odorem ;
 Sive sit Idalia Rosa flos deductus ab ora ;
 Seù Viola ; aut Pæstani certans Anemone rosetis .
 Conspicuum forma , generosæque ex indole natum
 Pastorem monstrat : divino Numine flante :
 Inter Pastores Pastor celsissime , gaude .
 Tu Flos , Tu Sol , quem numero Deus eligit omni .
 Flante Deo , Petri veneranda in Sede locaris .
 Aurea cum niveo radiant permixta colore
 Lilia ; & effuso canescunt candida lacte .
 En ut odoratam viridanti caudice frontem ,
 Ad cubitos jam pene duos sua culmina tollunt ;
 Atque humiles recto despectant vertice flores :
 Virginea ridente coma , tellure recedunt
 Virgineum cæno maculet ne terra nitorem

Tyt. Quam bene Pastori aptantur lilia Summo

Lilia quando quidem morum candore , nivesque
 Exuperat ; supraque homines ab honore locatur .

Form. Non tamen aut humiles , aut aspernatur Egentes ;

Quin & subsidio fovet ; & solatur Egenos .

Cuique suum sapiens meritum partitur honorem .

Tyt. Hæc post insequitur duplex pennata per artus

Alituum Regina biceps ; cui vertice plumæ

Assurgunt sacræ ; rutilo diademate frontem

Circumcincta suam ; multoque tumentia fastu

Ora , pedesque tenens ; extensus Æthere pennis ;

Trans eversa Notos os imperterrita Soli

Obj-

Objicit ; & Phœbum non caligante tuetur
 Lumine ; & obtutu radiantis spicula Solis
 Suscipit, hærentesque negat convertere Ocellos .

Form. Principis ingenium ; nec non & mentis acumen
 Alituum Regina notat ; quæ terrea spernens
 Regna , volat præceps igniti fulminis instar ,
 Supra hominum tecta , ac montes ; supraque volucres
 Astrifero donec Cælo potiatur aperto .
 Non cænosa sapit Princeps ; non terrea ; spernit
 Blandimenta suo non unquam congrua cordi .
 Non illi obtusum ; aut longa rubigine læsum
 Sed dedit ingenium rerum Natura creatrix
 Immensusque capax , & Sole nitentius ipso :
 Civilis , Sacrique Fori quod jura tuentur
 Ipse tenet ; Naturæ fibras , & viscera rerum ,
 Et quodcumque latet potis est comprehendere mente .

Tyt. Sed modo quid signent lucentia stemmatis astra ,
 Dic age ; quasve notent rutilantes Æthere Stellas ;
 Fors tristes hyadas , lycaoniosque Triones ?
 Fors Helicen,hydramque trucem,gelidumve Bootem?
 Quæ tempestates , pluviam , frigusque , nivisque
 Portendunt ; panidæ metuendaque fulmina Terræ ?

Form. Non : Sed quæ tacitæ per amica silentia noctis ,
 Candida cæruleo collucent sidera Cælo .
 Quale decus Cæli ; Terræ quam grata voluptas ;
 Nox ubi jam media est ; condunt nec sidera nubes ,
 Æthereas vidisse plagas ; tot lumina ; totque
 Agmi-

Agmina Stellarum Cælo digesta sereno :
 Quæque suis affixa locis formare cohortes
 Atque ut perpetuum subeunt non fessa laborem .
 At si sæva movent pelago certamina venti ,
 Inclusam rabiem ; & sparsuras aëtra procellas ,
 Parturit unda maris , fundoque emota minaces
 Expirat per saxa sonos ; atque acta cavernis
 Torquet anhelantem spumanti vortice pontum :
 Et Ratis adversas , vento impellente , per undas
 Ducitur ; & quid agat pavidus jam navita nescit ;
 Alma polo Cynosura viam , tutumque salutis
 Monstrat iter ; dubiosque regit mox lumine gressus
 Te quoque quas patrium radianti lumine , stellæ
 Stemma refert certè , Præsul celsissime , signant .
 Luce tua toto fugit insanabile virus
 Hæresis ; errorum fugit orbe insana caterva ;
 Nam licet impellant irato murmure venti
 Atque simul coeant ; Riphæus turbitet Eurus .
 Urgeat & Boreas ; quassæt Notus ; Africus inflet :
 Te Ductore , Ratis Petri volat alma procellis
 Tutior in mediis ; æstusque illudit , & austros :
 Tu Cynosura Ratis , Tu stella potentior omni
 Turbine , pandis iter , regis , & statione quietam :
 Illa licet jactata diù ; crebrisque petita
 Ictibus ; obruitur nunquam ; victrixque minarum
 Tendit in immensum fidei confinia Regni .
Tit. Vera nè , quæ Formosæ , refers ; an somnia fingis ?
Form.

Form. Vera equidem: capreas testor; taurosque bicornes.

Tit. Ergo age Pastori quoque nos bona munera demus:

Demus amœbæo deductas carmine laudes.

Form. Incipe: tu major; cantu post ponè subibo.

Tit. Plaudite io Sylvæ; io vos jam plaudite Colles.

Alma Ceres; formosa Pales; formosa Lycoris;

Huc hilares vestris a sedibus usque venite:

Hic & virgineo decerpite pollice flores;

Multipli intextas componite flore coronas;

Serta venustatis Pastorem floribus ornent

Infanire juvat; juvat indulgere Choreis

Ite procul gemitus; animi procul ite dolores.

Form. Plaudat io Tiberis; plaudat Tarpeja Rupes.

Najades undarum proles, Dryadesque puellæ;

Et quæ festivo completis carmine Sylvas;

Huc celeri properate gradu; fidibusque canoris

Et nemus, & Sylvæ; resonet quoque cantibus Æther;

Alma dies, formosa dies; lux aurea venit.

Exulet hinc mæror, luctus procul exulet omnis.

Tit. Plaudite io Sylvæ; io vos jam plaudite colles.

Prospera fors etenim nostros invisit agellos;

Sæpe mihi hanc sortem, nisi mens ignara fuisset,

Insolitos avium memini, prædicere cantus,

Sæpe etiam annosa prædixit ab ilice Cynus.

Fortunata dies, qua non felicior ulla!

Impavidæ post hac carpent, mea cura Capellæ

Gramina; nec nostros unquam fur auferet hædos.

Ite

Ite procul gemitus ; animi procul ite dolores .

Form. Plaudat io Tiberis ; plaudat Tarpeja Rupes

Pulcher adest nobis Pastor ; pulcherrimus omnes

Inter Pastores ; quos inclita Roma recenset .

Os Olli natura dedit sublime ; decusque

Egregium formæ ; pinxitque ex murice malas ;

Fronte sub augusta geminos dedit igne micantes

Sideribus similes oculos , blandeque severos

Quantus honos frontis ; facilis quæ gratia vultus !

Quantum majestatis inest , dum sede curuli

Progreditur gaudentium humeris , plausuque Quiritum ;

Quidve animo verset curarum ; consule vultum

Principis ; & dices ; nihil est mortale quod optat .

Tantus in ore Deus , cui sceptrâ Vicaria gestat ;

Emicat . & merito curru quocunque curuli

Fertur ; adoratum Populus sua genua reclinat .

Atque preces , vocesque pias ad sidera tollens ;

Nestoream incolumi vitam de corde precatur .

Exulet hinc mæror ; luctus procul exulet omnis

Tyt. Plaudite io Sylvæ ; io vos jam plaudite colles

Non hominum cædes posthac , non furta ; dolive ,

Non fraudes ullæ : cessere pericula ; regnat

Pax ; quæ sidereo perfundit nectare terras ;

Exulat en malefuada fames ; & turpis egestas ;

Hæc ego vaticinor tanto bene Præsule digna

Ver est æthereum ; placidique tepentibus auris

Demulcent Zephiri natos sine semine flores .

Ite

Ite procul gemitus ; animi procul ite dolores .

Form. Plaudat io Tiberis ; plaudat Tarpeja Rupes .

Tytire quid cunctamur adhuc ? juvat ire ; pedesque

Illius amplecti ; millenaque figere plantis

Oscula ; queis nostrum quoque nos testemur amorem

Exulet hinc mæror ; luctus procul exulet omnis .

Tyt. Jam Formose præi ; veniam quocumque præibis .

Form. Plaudite io Sylvæ : io vos jam plaudite colles ;

Ipse meo rubicunda feram corallia trunco

Pastori ; atque rosas , violasque , & lilia , & addam ,

Multiplici nuper textam de flore coronam :

Quam mihi Pastorum non ultimus attulit Ægon :

Ægon me cecinisse docet ; fidibusque canoris

Et nemus , & Sylvas ; sylvarum , & numina , Nymphas ,

Demulcere ; leves simul , & luisse choreas .

Ite procul gemitus ; animi procul ite dolores .

Tit. Plaudat io Tiberis ; plaudat Tarpeja Rupes .

Ipse PIO nivei SEXTO mulctralia lactis

Bina feram ; binos avulsos ubere Matris

Addam hædos , duplicis pastos de lacte parentis ;

Cornibus expertes ; grata & pinguedine plenos

Fors erit , ut nostros non dedignetur honores .

Munera parva quidem ; certum sed pignus amoris

Exulet hinc meror , luctus procul exulet omnis .

Form. Plaudite io Sylvæ , io vos jam plaudite colles .

Ast ego longævæ describam in cortice quercus

Pastoris nomen : quercu crescente , manebit ,

Æter-

Æternum nostri monimentum , & pignus amoris ;
 Hos etiam ferro cœlabo in cortice versus :
 Siste , Viator , iter ; supplex tua munera SEXTO
 Redde PIO : Duce quo redierunt aurea Romæ
 Sæcula ; quo Duce , toto pax regnavit in Orbe .
 Urbis delictum : cunctis venerabile Numen
 Ite procul gemitus ; animi procul ite dolores .

Pœta .

Interea , Princeps , quod lusimus , accipe carmen ,
 Æquoreo , sed non lituo , tenuive cicuta ;
 Mæonio potius laudandus carmine , & arte .
 Attamen exiles ; quas possumus , accipe laudes :
 Fors erit , ut calamo quondam , conchaque relictis ,
 Heroa tandem merita celebrabere musa .
 Illius ipse Pii discreto ex ordine Quinti ,
 Cujus odorato redolent altaria fumo ,
 Ecce tenes : sed non vacuum , nec nominis umbram
 Ipse tenes : fuit idem per tua viscera sanguis
 Ghisleria de stirpe Sato , qui fluxit ; & idem
 Ardor virtutis ; sacri & reverentia cultus :
 Idem utrique animus mentem super æthera tollit .
 Quintus ad Echinas Turcarum cæde Tyrannum
 Fregit ; & Æquorei tumuerunt sanguine fluctus
 Sextus non armis ; fuso non sanguine : verum
 Consilio , pietate ; & mentis acumine , cuncta
 Sedis Apostolicæ , & Fidei teterrima vicit
 Monstra , simul legesque suas , & iussa facessunt .

Maſte

(XVI)

Macte igitur virtute nova , Pater inclite ; Regnum
Omne susceptum felici : faustius imple .
Nestoreæ finem precor egrediare senectæ ;
Mente sub augusta quando prudentia regnat
Nestoris ; & toto cælestibus æmula flammis
Orbe micat ; radiosque suos diffundit ubique .

FINIS.



99 945 5297